



Ovddasrohkosat

i. Fáttát

Ovddasrohkos girku ja máilmmi ovddas – báikkálaččat hábmejuvvon

Searvegotti miellahtut sáhttet searvat ráhkadit ovddasrohkosiid ja jođihit ovddasrohkosa ipmilbálvalusas.

Báikkálaččat hábmejuvvon ovddasrohkos sáhttá ordnejuvot vuolábealde namahuvvon fáttáid mielde.

Juohke fáddájoavkku vuolde leat ollu čoavddasánit mat leat ávkin go searvegoddi ráhkada rohkosa. Go rohkos hábmejuvvo, de ferte válljet muhtin čoavddasániid, sáhttá maddái válljet eará áigejuvvo dilis fáttáid dan dilis mii lea ja dan hámi mielde maid háliida ipmilbálvalusas.

Muhtin čoavddasánit leat mielde mángga fáddáois. Dát mearkaša ahte dat sáhttet geavahuvot dan ovddasrohkosoasis mas orru áigejuvvo dil ja lunddolaš.

Fáddáosiid ortnet sáhttá rievdaduvvot. Nu maddái juohke fáddáois čoavddasániid ortnet. Dan láhkái sáhttá ovddasrohkos deattuhit dan mii lea earenoamáš aiddo dán ipmilbálvalusas.

Ovddasrohkos ipmilbálvalusa gittosoaffarii biddjojuvvo dan fáddái mii orru lunddolaš.

Searvegotti vástádusat sáhttet celkojuvot dahje lávlojuvot. Leat mánggalágan searvegoddevástádusat:

- Liturgalaš musihkka Norgga girku várás. Váldoipmilbálvalus
- Norgga girku ipmilbálvalusgirji. Váldoipmilbálvalus
- Dohkkehuvvon sálbmagirjii
- Rohkosgirji
- Norgga girku digitála ipmilbálvalusgirjerájus

1 | Eatnama álbmogat ja našuvnnat

Olbmot headis: olbmot geaidda leat deaividan lihkuhisvuodát ja roasut, geafivuoha, soahti ja riiddut ja eará heahti.

Ráfi ja vuoiggalašvuoda rahčamuš.

Olmmošárvvu várjaleapmi, eallima álggus gitta lohppii.

Sivdnádusa várjaleapmi.

Eará riikkaidgaskasaš orgánat.

Olbmot geain lea jođihanovddasvástádus máilmmiservodagas.

Riikkaidgaskasaš ásašusat ja searvvit.

2 | Min eanan ja álbmot

Olbmot headis: buohccit, ovttaskasat, geafit, olbmot geat gillájit veahkaválddalašvuoda ja illásteami, olbmot geaidda leat deaividan lihkuhisvuodát, roasut ja heahti.

Olbmot geain lea jođihanovddasvástádus (riikka-, guovllu- ja báikkálaš dásis).

Gonagas ja su viessu (gonagasa berre namuhit namain).

Mánáid ja nuoraid bajásšaddandilli.

Searvadahttin ja fátmasteapmi.

Olmmošárvvu várjaleapmi, eallima álggus gitta lohppii.

Sivdnádusa várjaleapmi.

Min riikka doaimmat máilmmiservodagas.

Eará hálddašanbálvalusat, riikkadásis ja guovlludásis.

3 | Máilmmiviidosáš girku ja min riikka girku

Máilmmiviidosáš girku.

Miššuvdna ja diakonijja.

Miššunprošeavttat ja verddesearvegottit.

Olbmot geat doarrádallojuvvojit oskkuset dihtii.

Norgga girku jođiheadjit ja stivrejeaddjit, riikkadásis ja guovlludásis

Bismagotti bisma (berre namuhit namain).

Girku ipmilbálvalusat, diakonijja ja oskkuoahpahuš. Girkomusihkka, dáidda ja kultuvra.

Eará girkoservodagat Norggas.

Oktavuoha ja gulahallan eará oskkuservodagaiguin.

Evangeliuma ovdáneapmi.

4 | Min searvegoddi, min bearrašat ja min ruovttubáikkit

Báikkálaš searvegoddi, sii geat leat gásttašuvvon, konfirmánttat, mánát, nuorat ja earát.

Olbmot geain lea jođihanovddasvástáduš searvegottis.

Áigequovdilis plánat ja prošeavttat.

Ipmilbálvalusat, diakoniiija ja oskkuoahpahus. Girkomusihkka, dáidda ja kultuvra.

Olbmot, joavkkut ja lagasbirrasa ásašusat: mánáidgárddit, skuvllat, buhcciid- ja boarrásiidruovttut ja dakkárat.

Bargosajit, bearaš, lagaš oktavuodát, siidaguoimmit, buohkat geat servet ipmilbálvalussii.

Olbmot geat leat bivdán ovddasrohkosa.

Báikkálaš hálddašanbálvalus ja sivdnádusa várjaleapmi.

Rávkojupmi oskui ja bálvalussii.

5 | Áigequovdilis dáhpáhusat

Dás rohkadallá áigequovdilis dáhpáhusaid ovddas dás ovdalis namahuvvon fáttáin gokko lea heivvolaš, dahje sáhtá rohkadallat daid ovddas sierra.

II. Ovddasrohkosvuogit – báikkálaččat heivehuvvon

Ovddasrohkosvuohki 1 (Čuovvu fáttáid)

Go ráhkkanan dán rohkosiid, de berre čielggadit galgá go dušše namuhit rohkosfáttáid, vai ráhkadit ollislaš rohkosiid. Rohkosfáddá berre leat oanehaš ja čielgasit hábmejuvvon ja dan láhkái láidestit juohkehačča ja veahkehit jaskes rohkosiid.

Jos ráhkaduvojit ollislaš rohkosa, de sáhtá guođdit eret juohke rohkosláddasa jaskesrohkosa.

ML/L | Rohkadallot máilmmi olbmuid ja álbmogiid ovddas.

ML | Mii rohkadallat ... ovddas... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

s | Searvegodevástádus

ML/L | Rohkadallot min eatnama ja álbmoga ovddas.

ML | Mii rohkadallat ... ovddas ... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

s | Searvegodevástádus

ML/L | Rohkadallot máilmmiviidosas girku ovddas ja min riikka girku ovddas.

ML | Mii rohkadallat ... ovddas... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

s | Searvegodevástádus

ML/L | Rohkadallot searvegotti ovddas ja min ruovttubáikkiid ovddas

ML | Mii rohkadallat ... ovddas ... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

s | Searvegodevástádus

Ovddasrohkos sáhtta loahpahuvvot ná:

ML/L | Jaskatvuodas bidjat mii dál du ovdii dan mii guđesge lea váimmu alde.

Jaskes rohkos

Ipmil, mii rohkadallat.

(dahje: Ipmil, du gieđaide mii bidjat buot ja buohkaid geaid ovddas mii dál leat rohkadallan, Jesus Kristusa nammii.

S | Searvegoddevástádus

Ovddasrohkosvuohki 2 (ginttalcahkkeheapmi)

Dát vuohki sáhtta leat vuogas earret eará ipmilbálvalusain main mánát ja nuorat (omd. konfirmánttat) leat mielde ráhkkanahhtimin ja čađaheamen ipmilbálvalusa.

Vállje 3–6 rohkosfáttá ja hábme daid vuogi mielde mii čájehuvvo vuollelis. Rohkos sáhtta maid hábmejuvvot fáddáosiid mielde.

Juohke rohkosoassi sáhtta čađahuvvot ná:

ML/L | Jorgalehкот mii Ipmilii rohkosiin. Mii cahkkehit gintala.....ovddas.

Ginttal cahkkehuvvo čuovgaglobas dahje beavddi alde mas leat rohkosgintalat.

ja giitit / rohkadallat /... ovddas

Dás čuvvot okta dahje eanet rohkosat dan rohkosfáddái masa ginttal cahkkehuvvui.

Dasto sáhtta čuovvut:

Jaskes rohkos

ML/L | Ipmil, mii rohkadallat.

S | Searvegoddevástádus

Ovddasrohkosvuohki 3 (sálbma)

Sálmmat sáhttet vuohkkasit heivet ovddasrohkosis, áinnas nu ahte lávlu daid ovttá vearssa ain hávil.

Dalle sáhtta hábmet áigeovdilis rohkosiid juohke vearssa vuodul.

Heivvolaš sálmmat, ovdamearkkat:

Sálbmagirji II nr. 526 dahje 685. N13 nr. 730, 632 dahje 678.

Ovddasrohkosvuohki 4 (njeallje almmiguovllu)

Dán vuogi sáhtta atnit earret eará ipmilbálvalusain maid fáddá lea miššuvdna ja riikkaidgaskasaš diakonijja.

Ráhkadit áigeovdilis rohkosiid mat gullet njealji almmiguvlui.

Ráhkadit rohkosiid mat gusket dan njealji almmiguvlui. Sáhttet leat rohkosat oabbágirkuid ovddas, olbmuid ovddas geat leat riidduin ja roasuin, sivdnádusa ovddas dahje áigeovdilis dáhpáhusaid ovddas. Ipmilbálvalusa giittusoaffara ovddasrohkosa sáhtta heivehit dan almmiguvlui mii lea lunddolaš.

Ovddasrohkos sáhtta álggahuvvot ná:

ML/L | Rohkadallot girku ja máilmmi ovddas čuččodettiin ja jorgalettiin njealji almmiguvlui.

Searvegoddi čuožžila.

1. Nuorti

ML/L | Mii jorggihit nuorttas ja rohkadallat min oappáid ja vieljaid ovddas doppe.

Searvegoddi jorggiha nuorttas.

Sáhtta cahkkehit gintala nuorttabeallái čuovgaglobas dahje beavddis mas leat njeallje

rohosgintala.

Mii rohkadallatovddas /...giitit... ovddas

Dás čuvvot okta dahje eanet rokosat main lea oktavuoha nuortaguovlluin.

Dat gii rohkadallá, loahpaha rokosá ná: Ipmil, mii rohkadallat.

Buo | Šaddos du dáhttu, šaddos du dáhttu. Ipmil, šaddos du dáhttu máilmmis.
dahje eará heivvolaš searvegodevástáduš.

2. Oarji

ML/L | Mii jorggihit oarjjás ja rohkadallat min oappáid ja vieljaid ovddas doppe.

Searvegoddi jorggiha oarjjás.

Sáhtta cahkkehit gintala oarjjabeallái čuovgaglobas dahje beavddis mas leat njeallje rohosgintala.

Mii rohkadallat ... ovddas/...giitit ... ovddas.

Dás čuvvot okta dahje eanet rokosat main lea oktavuoha oarjeguovlluin.

Dat gii rohkadallá, loahpaha rokosá ná: Ipmil, mii rohkadallat.

Buo | Šaddos du dáhttu, šaddos du dáhttu. Ipmil, šaddos du dáhttu máilmmis.

dahje eará heivvolaš searvegodevástáduš.

3. Lulli/Máddi

ML/L | Mii jorggihit lulás/máttás ja rohkadallat min oappáid ja vieljaid ovddas doppe.

Searvegoddi jorggiha lulás.

Sáhtta cahkkehit gintala lulábeallái/máttabeallái čuovgaglobas dahje beavddis mas leat njeallje rohosgintala.

Mii rohkadallat ... ovddas/...giitit ... ovddas.

Dás čuvvot okta dahje eanet rokosat main lea oktavuoha lulliguovlluin.

Dat gii rohkadallá, loahpaha ná: Ipmil, mii rohkadallat.

Buo | Šaddos du dáhttu, šaddos du dáhttu. Ipmil, šaddos du dáhttu máilmmis.

dahje eará heivvolaš searvegodevástáduš.

4. Davvi

L | Mii jorggihit davás ja rohkadallat oappáid ja vieljaid ovddas dáppe.

Searvegoddi jorggiha davásguvlui.

Sáhtta cahkkehit gintala davábeallái čuovgaglobas dahje beavddis mas leat njeallje rohosgintala.

Mii rohkadallat ... ovddas/...giitit ... ovddas.

Dás čuvvot okta dahje eanet rohkosat main lea oktavuohhta davviguovlluin.
Dat gii rohkadállá, loahpaha rohkosa ná: Ipmil, mii rohkadallat.

Buo | Šaddos du dáhttu, šaddos du dáhttu. Ipmil, šaddos du dáhttu máilmmis.

dahje eará heivvolaš searvegodevástáduš.

Ovddasrohkosvuohki 5 (Rohkosvázzin)

Rohkosvázzin lea dábálaččat ipmilbálvalusa ovddasrohkosa áigge (lađas 18), muhto sáhtá leat eahkedismállásiid áigge, go oktasaš ovddasrohkos lea rohkadaljojuvvon ovddasrohkosoasis. Jus rohkadallá sin ovddas geat oassálaste rohkosvázzimis de dán rohkosa ii rohkadala ovttas osiin *Giittusrohkos eahkedismállásiid ovddas* maŋŋil juogadeami. Rohkosvázzin sáhtá maid leat sierra vázzinipmilbálvalus.

Vázzima áigge berre leat musihkka, áinnas vurrolagaid čuojanasmusihkka ja lávlun, jogo koarralávlun dahje sololávlun.

Rohkosvázzima ovdamearkkat:

- Jaskes rohkos áltárrieggás – vejolaš čippostit ja rohkadallat.
- Olbmo várás ovddasrohkos, dakkár sajis gos lea veahá sierra, sáhtá bidjat gieđa oaivvi ala.
- Buressivdnideapmi – olmmoš sáhtá čippostit ja veahkkeliturga bidjá gieđa su oaivvi ala ja cealká buressivdnádusa mii lea hábmejuvvon ovddalgihitii.
- Gástamuittuhus – gástalihti guoras. Juohke olmmoš merkejuvvo ruossamearkkain ja sutnje celkojuvvojit lohpadussánit.
- Rohkosruhkku – sáhtá čállit rohkoslihpuid, dahje tevdnet (mánáide ja rávisolbmuide geaidda lea álkit tevdnet go čállit). Vállje áinnas iešguđet ivnnis báhpriid, ja almmut ahte jus vállje vissis ivnnat báhpira, de dáhttu iežas rohkosa lohkojuvvojit jitnosit. Rohkoslihpuid sáhtá bidjat ruhkuide mat guddojuvvojit áltárii go rohkosvázzin lea nohkan.
- Cahkkehit gintaliid – čuovgaglobas ja/dahje eará sajis lanjas.
- Suttuid dovddasteapmi – dat gii dáhttu oažžut celkojuvvojut suttuid ándagassii addojumi, sáhtá čippostit ja dovddastit suttuidis. Liturga dahje mielliturga bidjá gieđa su oaivvi ala gii lea čippostan ja cealká suttuid ándagassii addojumi.
- Eará oasit, ovdamearkka dihtii dakkárat mat heivejit ipmilbálvalusa fáddái. Bisánansajit main leat lassi dieđut ja veahkki. Symbolalaš dagut, hábmenbarggut j.e.
- Dáiddaduojuvvojit maid luhtte bisána smiehtadit ja rohkadallat. Áinnas dáiddainstallašuvnnat dahje dálááigge dáidagat maid sáhtá luoikkahit /láigohit dáiddáriin.

Ipmilbálvalusain main eai leat eahkedismállásat sáhtá rohkosvázzin loahpahuvvojut oktasaččat *Áhččámet-rohkosiin*.

Go ipmilbálvalus lea rohkosvázzin seammás go leat eahkedismállásat, de loahpaha eahkedismállásiid ásaheasa sániiguin, ja giittusrohkosiin (lađas 23). Das maŋŋil sáhtá jitnosit lohkat muhtin rohkosiid jus dat leat almmuhuvvon ovddalgihitii. Dát oassi loahpahuvo ná dahje eará heivvolaš rohkosiin:

L | Ipmil, du gieđaide mii bidjat buot – ja buohkaid – geaid ovddas mii leat rohkadallan, Jesus Kristusa nammii.

iii. Gárvves ovddasrohkosat

Ovddasrohkos 1

ML/L | Du girku ovddas eatnama alde, oskkolaččaid searvevuoda ovddas, evangeliuma ovdáneami ovddas miehtá máilmmi, Ipmil, mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

ML/L | Du girku ovddas min riikkas, min bismma ja min searvegottiid ovddas, buot du bálvaleddjiid ja mielbargiid ovddas, Ipmil, mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

ML/L | Oskku nannema ovddas Sáni ja sakrameantaid bokte, oskkáldasvuoda ovddas rohkadallamis, gierdavašvuoda ja ilu ovddas, Ipmil, mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

ML/L | Friddjavuoda ja ráfi ovddas máilmmis, láibbi nealguvaččaide, vuoigatvuoda báhtareddjiide ja daidda geat doarrádallojuvvojit, searvevuoda ovddas rájaid rastá, Ipmil, mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

ML/L | Min gonagasa ja su viesu ovddas, buohkaid ovddas geain lea jođihanovddasvástádus min gaskkas, Ipmil mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

ML/L | Buohkaid ovddas geat buhcet ja leat morrašis, geat leat okto báhcán, buohkaid ovddas geat fillehallet ja ellet váralašvuodas, Ipmil, mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

ML/L | Veahki buot headis, fámu bálvalussii, ja ahte oktii ollešeimmet agálaš eallimii, Ipmil, mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

Dás sáhtá čuovvut jaskes rohkos dáid sániid manjis:

ML/L | Jaskatvuodas mii bidjat du ovdii dan mii guđesge lea váimmu alde.

Jaskes rohkos

ML/L loahpaha ná:

Ipmil, mii rohkadallat.

S | **Searvegoddevástádus** (oanehis searvegoddevástádus, lohkkoujvvo dahje lávlojuvvo)

Ovddasrohkos 2

Buotveagalaš, agálaš Ipmil, mii giitit du
ja máidnut du bassi nama,
dasgo don leat buorre, ja du váibmoládisvuohta ii goassege noga.
Mii rohkadallat máilmmiviidosas girku ovddas.
Bisut oktavuoda buot oskkolaččaid gaskkas.
Divtte evangeliuma ovdánit buot riikkain.

Geahča árpmuin dan álbmogii masa don addet
lohpadusaid boares lihtus.
Nanne sárndideddjiid ja miššunbargiid
ja buohkaid geat sohtet oskku buori soađi.
Mii rohkadallat ... ovddas. (*Sáhtta namahit áigeguovdilis rohkosfáttáid*)
Bisut min du duohtavuodastat.
Ipmil, dan mii rohkadallat.

S | Searvegoddevástádus

ML/L | Mii rohkadallat min searvegotti ovddas.
Gievrut min Sáni ja sakrámeanttaid bokte.
Atte midjiide roahkkatvuođa ja dáhtu du bálvalit sániiguin ja daguiguin.
Doala du gáhttejeaddji gieđain mánáid ja nuoraid ja rávkka min buohkaid eallit oskku ja
bálvalusas. (*Vejolaš namuhit rohkosfáttáid*)
Ođasmahte min du árpmus. Ipmil, dan mii rohkadallat.

S | Searvegoddevástádus

ML/L | Mii rohkadallat olbmuid ovddas geat gillájit, buhcciid ja ovttaskasaid ovddas,
ruovttuhemiid ovddas, báhtareddjiid ja soađi gillájeddjiid ovddas,
buohkaid ovddas geat gillájit vuoigatmeahtunvuođa ja leat sordojuvvon,
ja sin ovddas geat aiddo leat boahtán min riikii.
(*Vejolaš namuhit rohkosfáttáid*) Veahket min várjalit olmmošárvvu eallima álggu rájes gitta
lohppii.
Ipmil, dan mii rohkadallat.

S | Searvegoddevástádus

ML/L | Mii rohkadallat máilmmi ovddas.
Várjal buot eatnama olbmuid dulvvis ja goikkádagain, ja atte buriid ja ávkkálaš dálkkiid.
Gievrut min dáhtu gáhttet eatnama.
Atte ráfi ja friddjavuođa buot olbmuide ja álbmogiidda
ja vuoigatvuođa servodagas, bargoeallimis ja skuvllas.
Buressivdnit min searvevuođaid
ja atte midjiide máhtu ja dáhtu juogadit vuoiggalaččat.
(*Vejolaš namuhit rohkosfáttáid*)
Atte midjiide du ráfi.
Ipmil, dan mii rohkadallat.

S | Searvegoddevástádus

Ovddasrohkos 3

ML/L | Agálaš Ipmil, almmi ja eatnama sivdnideaddji.

Mii giitit ja máidnut du du buorre vuoda ovddas midjiide. Mii rohkadallat du sivdnádusa ovddas. Čájjet mo mii leat du sivdnádusa oassin vai mii máhtášeimmet gáhttet sivdnádusa buoremusat. Láide álbmogiid ja našuvnnaid eallit ráfálaččat searvevuodas.

Várjal min gonagasa ja su viesu.

Atte viisodaga ja roahkkatvuoda buohkaide geain lea jođihanovddasvástádus min gaskkas.

(vejolaš namuhit rohkospáttáid)

Beaste min mávssaheames ja vašuheames

ja veahket min eallit ráfis ja soabalašvuodas. Ipmil, mii rohkadallat.

dahje

Ipmil, dan mii rohkadallat.

s | Searvegoddevástádus

ML/L | Mii rohkadallat buohkaid ovddas geat ellet geafivuodas.

Leage sin dorvu ja oadjebasvuoha geat báhtarit soađis ja roasuin.

Mii rohkadallat ráfi Jerusalemii ja buohkaide

geaid dorvu lea dát gávpot.

Leage buot buhcciid luhtte, ja sin luhtte geat dárbbasit veahki.

Mii rohkadallat buohkaid ovddas geat váillahit searvevuoda ja gullevašvuoda.

Doala várjaleaddji gieđat mánáža badjel eatni heakkas.

Veahket sin geat gillájit veahkaválddi ja illásteami.

(Vejolaš namuhit rohkospáttáid)

Daga min guldaleaddji, jedđejeaddji ja dálkkodeaddji bálvaledjin.

Ipmil, mii rohkadallat.

s | Searvegoddevástádus

ML/L | Mii rohkadallat du girku ovddas. Deavdde dan du Vuoiŋŋainat.

Várjal min vearríoahpus ja jápma oskkus.

Leage sin lahka geat doarrádallojuvvojit du nama dihtii. Mii rohkadallat min bismma (**namma sáhtta namuhuvot**) ovddas

ja buohkaid ovddas geain lea jođihanovddasvástádus min girkus.

Mii rohkadallat searvegotti ovddas, ipmilbálvalusaid ja čoagganemiid ovddas,

daid ovddas geat leat gásttašuvvon/geat odne gásttašuvvojit (**gástamánát namuhuvvojit ovdanamain**), sin váhnemiid, ristváhnemiid ja sin lagas olbmuid ovddas.

Mii rohkadallat konfirmánttaid ovddas.

/Divtte sin gávdnat du geainnu eallimis.

Divtte sin dovdat ahte don fátmastat sin ráhkisvuodain

(Vejolaš namuhit rohkospáttáid)

Atte midjiide soabalaš miela go deaivvadit olbmuiquin geain lea eará osku dahje jáhkku,

vai mii sártnošeimmet duodaid guhtet guimmiideamet birra. Ipmil, mii rohkadallat.

dahje

Ipmil, dan mii rohkadallat.

S | Searvegodevástádus

ML/L | Buorre Ipmil, mii rohkadallat min oktavuodaid ovddas searvegottis, bearrašis, ustibiid gaskkas ja lagas birrasis.

Mii rohkadallat mánáidgárddiid ja skuvllaid ovddas, fitnodagaid ja bargosajiid ovddas ja sin ovddas geat leat barguhisvuodas.

Attášit midjiide beaivválaš eallimovtta.

(Vejolaš namuhit rohkosfáttáid)

Mii rohkadallat ruovttuideamet ovddas.

Divtte min eallit ovtta oskkáldasvuodas ja atnit árvvus guhtet guimmiideamet. Ipmil, mii rohkadallat.

Ovddasrohkosa sáhtta loahpahit ná:

L | Jaskadit mii bidjat du ovdii dan mii guđesge lea váimmu alde.

L | Ipmil, mii rohkadallat.

dahje

Ipmil, dan mii rohkadallat.

S | Searvegodevástádus

Ovddasrohkos 4

ML/L | Almmálaš áhčči

Giitu go don sivdnidit min ja eatnama gos mii orrut. Giitu go don dovddat min ja ráhkistat min.

Veahket min fuola atnit guhtet guimmiineamet ja buot das maid don leat sivdnidan.

Ipmil, mii rohkadallat.

S | Searvegodevástádus

ML/L | Ráhkis Jesus:

Don bohtet eatnama ala ja šaddet olmmožin nugo mii.

Don gávdnet ustibiid geaiguin juogadit ilu ja morraša. Giitu go mii leat ožžon ustivuodaattáldaga.

Vare buot olbmui livččii álo soamis geasa dorvvastit.

Don leat oahpahan midjiide ahte mii buohkat leat ovttáárvosaččat. Leage sin luhtte geat gillájit.

Oahpat min vuosttaldit vealaheami ja vearrivuoda. Ipmil, mii rohkadallat.

S | Searvegodevástádus

ML/L | Buorre Bassi Vuoigņa:

Don leat rávkan min leat iežat girkun.

Buvttášit midjiide attáldagaidat,

vai mii livččiimet čuovgan ja sáltin máilmmis.

Láidešit min rivttes bálgái man mielde vádjolit.

ja atte midjiide dáhtu ja vuoimmi dan čuovvut.

Ipmil, mii rohkadallat.

S | Searvegodevástádus

Iv. Litaniijat

Ráfilitaniija

Ráfilitaniija lea dárogillii dás: Norsk salmebok nr. 982.1 ja 983.1. Sámegillii Sálbmagirji II nr. 768. Litaniija manjil sáhtta leat oanehis rohkos áigequovdilis rohkosfáttáin. Sáhtta maid loahpahit ná: «Jaskatvuodas mii bidjat dál du ovdii dan mii guđesge lea váimmu alde.» Litaniija teavstta vuodul sáhtta hábmet áigequovdilis rohkosiid

Litaniija

Litaniija lea dárogillii dás. Norsk salmebok nr. 980.1. Sámegillii Sálbmagirjii nr. 34.

Martin Luther hábmii dán min girku árbevirolaš litaniija, gaskaáiggi bassiolbmuidlitaniija vuodul.

Dat lea vuosttamužžan gullan fástoáigái ja gáhtamuš- ja rohkosbeaivái.

Searvegoddi sáhtta lávlut 2. ja 8. vearssa.

Ipmilbálvalusas mas leat eahkedismállásat, sáhtta litaniijas guođđit eret loahppaoasi «Buhtis Ipmil Láppis».

Fástokolleakta

Sáhtta rohkadallat moadde oanehis rohkosa litaniija ja fástokolleavtta gaskkas. Rohkosat sáhttet maid loahpahunvot ná:

«Jaskatvuodas mii bidjat (dál) du ovdii dan mii guđesge lea váimmu alde.»

LML Mii giitit du, Ipmil Áhččámet,
guhte leat addán midjiide áidnoriegádan Bártnát, Jesus Kristusa,
vai dat gii osku sutnje, ii lámppo,
muhto vai son oažžu agálaš eallima.

Mii giitit du, Jesus Kristus,
don guhte leat guoddán min sudduid du bassi rupmašis ja sihkkon buot min rihkkumiid
varainat.

Mii giitit du, Bassi Vuoigņa,
don guhte attát midjiide oskku ahte Jesus Kristus lea min áidna gáddjojupmi ja bestojupmi.

Ipmil, árpmat min, vai mii ollásit ja nannosit oskkošeimmet
ahte buot min sudduid leat ándagassii addojuvvon
Jesus Kristusa gillámuša ja jápmima bokte.
Nanne min bassi Vuoigņainat, vai mii juohke beaivvi vuostálastit sudduid ja fillehusaid ja
álelassii bissut Jesusa lahka,
dassáži go mii oaidnalit suinna oktiičalmmiid.
Mii rohkadallat Jesus Kristusa nammii.

Buo | Amen.

Searvegoddevástádusat ovddasrohkosiidda

Dákko sáhtta lávlut omd. Davisámi liturgiijagirji ovddasrohkosvástádusaid dahje eará heivvolaš šuoŋaid.

1.

Buo | Hearrá, gula min rohkosa.



S: Hear - rá, gu - la min roh - ko - sa.



A - - - men.

2.

Buo | Gula min rohkosa. Bohtos du riika, šaddos du dáhttu. Gula min.



Gu - la min roh - ko - sa. Boh - tos du rii - ka,



šad - dos du dáht - tu. Gu - la min. A - - - men.

Mañemus geardde

3.

Buo | Hearrá, gula min rohkosa.



S: Hear-rá, gu-la min roh-ko-sa. S: Hear-rá, gu - la - min-roh - ko - sa.



S: Hea-rá, gu - la min roh-ko-sa. S: Hear-rá, gu - la min roh-ko-sa.



S: Hear-rá, gu - la min roh - ko - sa. A - - - men.

Mañemus geardde:

4.

Buo | Hearrá, lpmileamet, gula min go rohkadallat.

5.

Buo | Gula min rohkosa. Bohtos du riika, šaddos du dáhttu. Gula min.
(Amen.)

Gu - la min roh - ko - sa.

Boh - tos du rii - ka, šad - dos du

dáht - tu. Gu - la min.

Mañemus geardde

A - - - - - men.

6.

Buo | Gula min rohkosa. Gula min rohkosa. Ipmil, gula min rohkosa. (Amen.)

7.

Buo |: Ipmil, sivdnit midjiide oskku, doaivvu ja buriid daguid. Hearrá, gula min rohkosa. :/:

8.

Buo | Gula min rohkosa. Gula min rohkosa. Gula min rohkosa. (Amen.)

9.

Buo | Don leat min doaivu. Don leat min doaivu.

10.

Buo | Šaddos du dáhttu, šaddos du dáhttu, šaddos du dáhttu eatnama alde, Ipmilan.

11.

Buo | Ipmil, gula min rohkosa. Ipmil, gula min rohkosa. Ipmil, gula min rohkosa. Ipmil, gula min rohkosa. (Amen. Amen. Amen.)